

საქართველოს ახალგაზრდა იურისტთა ასოციაცია  
GEORGIAN YOUNG LAWYERS' ASSOCIATION



**საქართველოს ახალგაზრდა იურისტთა  
ასოციაცია ეხმაურება გაეროს ადამიანის  
უფლებათა კომიტეტის 30 ოქტომბრის  
დასკვნებსა და რეკომენდაციებს და  
მოუწოდებს ხელისუფლებას მათი  
დროული და ეფექტური შესრულებისაკენ**

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საქართველოს ახალგაზრდა იურისტთა ასოციაცია ეხმაურება გაეროს ადამიანის უფლებების კომიტეტის მიერ ა.წ. 30 ოქტომბერს გამოქვეყნებულ დასკვნებს და რეკომენდაციებს საქართველოს მიერ წარდგენილ ანგარიშთან დაკავშირებით (<http://www.ohchr.org/english/bodies/hrc/docs/CCPR.C.GEO.CO.3.CRP.1.pdf>). გაეროს მოცემული კომიტეტი მოწოდებულია შეაფასოს \_ რამდენად ეფექტურად ხდება გაეროს სამოქალაქო და პოლიტიკურ უფლებათა საერთაშორისო პაქტით გათვალისწინებული უფლებების და თავისუფლებების დაცვა და უზრუნველყოფა.

საია იზიარებს გაეროს ადამიანის უფლებების კომიტეტის დადებით შეფასებას საქართველოს მიერ ამ სფეროში განხორციელებულ წარმატებულ ღონისძიებებთან მიმართებაში. ამავ, დროს ახალგაზრდა იურისტთა ასოციაცია, როგორც ადგილობრივი ადამიანის უფლებების დამცველი ორგანიზაცია ეთანხმება კომიტეტის მიერ იმ პრობლემების იდენტიფიცირებაში, რომელთა მიმართ საქართველოს ხელისუფლებამ ადეკვატური და დროული რეაგირება უნდა მოახდინოს, მათ შორის:

**წმენის წინააღმდეგ ეფექტური მექანიზმები** - ექსტრადიციის, დეპორტაციისა და გადაცემის დროს ეფექტური საკანონმდებლო და პროცედურული მექანიზმების შექმნა, რათა გადაცემულ პირს არ დაემუქროს წამება, არაადამიანური ან დამამცირებელი მოპყრობა და დასჯა;

**ქალაქობის წინააღმდეგ ბრძოლა** □ ოჯახური ძალადობის წინააღმდეგ სახელმწიფო ორგანოების საქმიანობის გააქტიურება, მათ შორის ეფექტური გამოძიებისა და მსხვერპლთა დაცვის (თავშესაფრების შექმნა) თვალსაზრისით;

**სწავლის უფლება, გადამეტებული ძალის გამოყენება** □ კომიტეტი პირდაპირ მიუთითებს გასულ წლებში ეჭვმიტანილის დაკავების დროს, სპეციალური ოპერაციების თუ პენიტენციურ სისტემაში ძალის გადამეტების ფაქტების დროულ და ეფექტურ გამოძიებასთან დაკავშირებით. საია ეთანხმება კომიტეტს 2006 წელს მე-5 საპრობილემში განვითარებული მოვლენების დროულ გამოძიების აუცილებლობაში. ამავ დროს, აუცილებლად არის მიჩნეული პოლიციისა თუ პენიტენციური სისტემის თანამშრომლების ეფექტური სწავლება მოცემულ პრობლემებთან მიმართებაში;

**წმენის მოპყრობა** □ კომიტეტი მიუთითებს პენიტენციურ სისტემაში პატიმართა რაოდენობის შემამფოთებელ რიცხვზე და აუცილებლად თვლის მოცემული პრობლემის დაუყოვნებლივ მოგვარებას სახელმწიფოს მხრიდან;

**დამოუკიდებელი და კორუფციისგან თავისუფალი მართლმსაჯულება** □ კომიტეტი

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



მიუთითებს სასამართლოს დამოუკიდებლობის უმნიშვნელოვანეს პრობლემაზე და აუცილებლად თვლის როგორც ინსტიტუციურ ცვლილებებს, აგრეთვე ნებისმიერ ბრალდებაზე ადეკვატურ და დროულ რეაგირებას;

**გამოხატვის თავისუფლება** □ ჟურნალისტების უფლებები □ კომიტეტი მიუთითებს ჟურნალისტების მიმართ ძალადობის ფაქტებზე და მოუწოდებს ხელისუფლებას მოცემული ფაქტების დროულ გამოძიებას.

საქართველოს ახალგაზრდა იურისტთა ასოციაცია მოუწოდებს ხელისუფლებას გაეროს ადამიანის უფლებათა კომიტეტის მიერ გამოთქმული შეფასებებისა და დასკვნების დროულ და ეფექტურ გათვალისწინებას და გამოხატავს მზადყოფნას მოცემულ პროცესში კონსტრუქციული თანამშრომლობისათვის.